

den. Als nemlich daß an ihm verbliben / die schöne vnd frische Gestalt / fürs ander / ein lieblicher Geruch / drittens die Vnzerstörlichkeit des Leibs / vierdtens in dem das Fleisch in seinem Saft vnd vnaußgetrücknet bestandē / wiewol er vil Monat vnder dē vngelöschre Kalch vergraben gelegē / zu dem Zihl / damit das Fleisch von dē Beinen abgelöset vnd verzehret werde. Zum fünffte ist 16. Monat nach seinem Tode noch frisches Blut auß seinē H. Leib gestossen: da ein Fraw auß Andacht ihm in den Finger schnitte / ist dises warm vñ lebhaft herfür gesprungen / vñ solches zwar ist geschēhē / als der Leib noch gang vnd nichts / so die Säule verursachen kan / heraußgenomwen war. Mit weniger ist vnder die Wunderwerck zuzehlen / was sich mit seinen Kleydern begeben / welche durchaus nichts von dem vngelöschten Kalch berührt vnd ergriffen worden / sonder gang vnd vnzehret verbliben.

Vnglaublich vil vñ grosse Wunderwerck seind geschehen in Anrührung seines Leibs / vnd Kleyder. Das Schiff / auff welchem
chem